




KENYATAAN MEDIA
YB MENTERI KERAJAAN TEMPATAN DAN PERUMAHAN
DAN
MENTERI KEWANGAN II
NEGERI SABAH

A. LAPORAN HARIAN KES JANGKITAN COVID-19

- 1 Berdasarkan laporan Jabatan Kesihatan Negeri Sabah, jumlah kes positif baharu COVID-19 pada hari ini adalah sebanyak 320 kes, menjadikan jumlah kumulatif sebanyak 29,897 kes. Tiada kes kematian dilaporkan.
- 2 Pada hari ini, seramai 405 pesakit COVID-19 telah discaj / sembuh dari hospital menjadikan jumlah kumulatif sembuh 27,046 orang. Sejumlah 1,999 pesakit sedang menerima rawatan iaitu 631 orang di hospital dan 1,368 orang di PKRC. Bilangan pesakit COVID-19 dalam ICU ialah 66 orang dan 17 orang pula memerlukan alat bantuan pernafasan (*ventilated*).
- 3 Kes-kes jangkitan COVID-19 pada hari ini mengikut daerah adalah seperti berikut:



Daerah Beaufort bertukar dari zon jingga ke zon kuning.

- 4 Tiada kluster baharu direkodkan pada hari ini.
- 5 Daripada 320 kes positif COVID-19 hari ini, sebanyak 187 kes (58.44%) adalah berpunca dari saringan kontak rapat di 13 Daerah. Manakala 36 kes (11.25%) daripada saringan kluster sedia ada, saringan bergejala 41 kes (12.81%), saringan komuniti 30 kes (9.38%) dan 26 kes (8.13%) adalah dari lain-lain kategori.
- 6 Kota Kinabalu mencatatkan kes kontak rapat tertinggi (50 kes), Sandakan (42 kes) dan Penampang (26 kes).
- 7 Jumlah kapasiti katil di Hospital COVID-19 adalah sebanyak 1,026 unit. Sementara, di Pusat Kuarantin dan Rawatan Berisiko Rendah (PKRC) adalah 5,696 unit menjadikan jumlah keseluruhan 6,722 unit. Terdapat penambahan 19 katil di Hospital Semporna. Peratus penggunaan katil pada hari ini adalah 29.74%.

B. *STANDARD OPERATING PROCEDURE (SOP) KEMASUKAN INDIVIDU KE NEGERI SABAH*

- 1 Kerajaan Negeri Sabah telah bersetuju membenarkan kemasukan individu ke Negeri ini dengan beberapa perincian *Standard Operating Procedure (SOP)* baharu seperti berikut:
 - i. Kemasukan individu masuk ke negeri Sabah **DIBENARKAN** untuk tujuan sosial (pas lawatan sosial) bagi:
 - a. Kemasukan domestik (pemegang MyKad, MyPR, MyKAS);
 - b. Pemegang pas-pas imigresen jangka panjang (bukan warganegara) yang sah tempoh; dan
 - c. Suami/isteri kepada rakyat Sabah dan tanggungan.
 - ii. Kemasukan bagi orang yang bukan warganegara yang tidak memiliki pas-pas imigresen jangka panjang **WAJIB** mendapatkan Kelulusan Khas daripada Kerajaan Negeri Sabah.
 - iii. Semua individu yang akan masuk ke Sabah melalui pintu masuk udara, laut dan darat perlu menjalani swab ujian pengesanan RT-PCR atau RTK-Ag COVID-19 tiga (3) hari sebelum perjalanan. Hanya individu yang tidak bergejala dengan keputusan ujian negatif akan dibenarkan masuk ke Sabah.
 - iv. Kebenaran pihak PDRM bagi pergerakan keluar dari Sabah **TIDAK DIPERLUKAN**.

C. PELANJUTAN WAKTU OPERASI RESTORAN / KEDAI MAKAN

- 1 Kerajaan Negeri telah bersetuju untuk melanjutkan waktu operasi restoran / kedai makan sehingga jam 12.00 malam berkuat kuasa 5 Disember 2020.
- 2 Pelanjutan ini masih tertakluk kepada SOP PKPB sedia ada yang telah ditetapkan.

D. PENAMATAN PERINTAH KAWALAN PERGERAKAN DIPERKETATKAN (PKPD) DI K AVENUE, PENAMPANG

- 3 Kerajaan sebelum ini telah melaksanakan Perintah Kawalan Pergerakan Diperketatkan (PKPD) di K Avenue, Penampang bermula 24 November 2020 dan dijadual tamat pada 5 Disember 2020.
- 4 Berdasarkan penilaian risiko dan saringan yang telah dilaksanakan oleh KKM mendapati kes positif COVID-19 di kawasan ini telah terkawal.
- 5 Mesyuarat Jawatankuasa Pengurusan Bencana Negeri (JPBN) Sabah COVID-19 pada 3 Disember 2020 dengan nasihat Pengarah Kesihatan Negeri Sabah telah bersetuju supaya PKPD di lokaliti ini ditamatkan mengikut jadual.

B. BANTUAN BAKUL MAKANAN (*FOOD BASKET*)

- 1 Sehingga hari ini, sebanyak **267,995** bakul makanan telah diagihkan kepada golongan sasaran.

C. LAPORAN SEKATAN JALAN RAYA (SJR), PENGUATKUASAAN PERAIRAN SABAH, SANITASI DAN HEBAHAN UMUM *INFO ON WHEELS*

- 1 Sebanyak 67 SJR telah dilaksanakan melibatkan pemeriksaan 57,019 kenderaan. Daripada jumlah tersebut, 103 buah kenderaan diarah berpatah balik. Tiada tangkapan namun 10 kompaun dikeluarkan atas kesalahan melanggar SOP COVID-19. PDRM juga telah melaksanakan 74 hebahan melalui kereta peronda.
- 2 Penguatkuasaan SOP turut dijalankan di perairan laut Sabah oleh Pasukan Polis Marin yang melibatkan 31 pemeriksaan di kawasan Pantai Timur dan 24 pemeriksaan di perairan Kota Kinabalu dan Labuan.
- 3 Jabatan Bomba dan Penyelamat Sabah telah melaksanakan sanitasi di lima (5) premis di tiga (3) buah daerah iaitu Sandakan, Semporna dan Tawau.
- 4 Hebahan umum *Info On Wheels* Jabatan Penerangan Sabah mengenai pematuhan SOP, amalkan 3W, elakkan 3C dan pembudayaan norma baharu telah dilaksanakan di 107 lokasi di 15 daerah. Hebahan dibuat dalam empat (4) bahasa iaitu Bahasa Melayu, Bahasa Dusun, Bahasa Bajau dan Bahasa Iranun.

D. BANTUAN LOGISTIK

- 1 Jawatankuasa Pengurusan Bencana Negeri mempunyai 239 buah kenderaan yang sedia digunakan bagi tujuan bantuan logistik COVID-19.
- 2 Daripada jumlah tersebut, sebanyak 44 buah kenderaan digunakan untuk mengangkut pesakit COVID-19, manakala 35 buah kenderaan digunakan untuk menghantar bakul makanan ke lokasi sasaran. Baki 160 kenderaan pelbagai jenis bersedia digerakkan jika perlu.

E. KADAR PEMATUHAN PENDUDUK TERHADAP SOP PERINTAH KAWALAN PERGERAKAN BERSYARAT (PKPB)

- 1 Kadar pematuhan penduduk terhadap SOP PKPB ialah 98.03%. Pecahan mengikut daerah adalah seperti berikut:

BIL	DAERAH	PERATUS
1	Kinabatangan	99%
2	Sipitang	99%
3	Kota Kinabalu	99%
4	Kota Belud	99%
5	Kudat	98.5%
6	Kunak	98.5%
7	Beaufort	98.5%
8	Ranau	98%
9	Penampang	98%
10	Papar	98%
11	Kota Marudu	98%
12	Beluran	98%
13	Sandakan	98%
14	Tuaran	97%
15	Keningau	97%
16	Tenom	97%
17	Tawau	97%
18	Lahad Datu	97%
19	Semporna	97%

Masyarakat dinasihatkan untuk menjalani ujian saringan dengan kadar segera sekiranya mempunyai kontak rapat dengan individu yang disahkan positif COVID-19.

Bersama-sama kita putuskan rantai COVID-19 dengan mengamalkan norma baharu dalam kehidupan seharian demi kesejahteraan diri, keluarga serta masyarakat.

**#kitajagakita #stayhome #staysafe
#workfromhome
#normabaharu**

Sekian.

**YB MENTERI KERAJAAN TEMPATAN DAN PERUMAHAN
DAN
MENTERI KEWANGAN II
4 Disember 2020**